

मार्निंग डोगरी न्यूज़ बुलेटिन, समें. 09.20 Hrs

<><><><><><>

एह आकाशवाणी जम्मू ऐ, बडलै खबरें च तुंदा सुआगत, पैहले खास-खास खबरें कन्नै जगमोहन शर्मा।

Headlines

1. केंद्री गृह मंत्री अमित शाह होरें आखेआ ऐ जे मोदी सरकार दे तैहत जम्मू-कश्मीर आतंकवाद कोला पूरी चाल्ली मुक्त होई जाग।
 2. मुख्यमंत्री उमर अब्दुल्ला होर 2 दिनें दे गुजरात दौरें पर, दौरें दा मकसद सैलानिएं च जम्मू-कश्मीर दे सुरक्षा हालात बारें बसाह-भरोसा पैदा करियै उनेंगी आकर्षित करना ऐ।
 3. विज्ञान ते टेकनालजी मंत्री सतीश शर्मा होरें राईबाई क्षेत्र च नमिएं तकनीकें दे इस्तेमाल कन्ने सुधार आहनने पर जोर दिता, स्कास्ट कश्मीर च हितधारकें दे सम्मेलन दरान स्टार्ट अप्स दी शुरुआत कराई।
 4. मुख् सचिव होरें डेटा आधारित विकास लेई पी.एम.जी.एस पोर्टल दे इस्तेमाल गी बढ़ावा देने पर जोर दिता, रैम्प स्कीम दी अमलावरी दा जायजा लैता।
 5. ते अमरनाथ जात्रिएं लेई शुरु कीता गेदा ते इक्क म्हीने तोड़ी चले दा हर रोज सूर्य पुत्री आरती दे आयोजन दा सिलसिला कल सम्पन्न होई गोआ।
- हून खबरें दी तफसील कन्ने श्रुति खजूरिया।

<><><><><><>

HM-JK

गृह मंत्री अमित शाह होरें आखेआ ऐ जे प्रधानमंत्री नरेंद्र मोदी हुंदी अगुवाई आहली सरकार च जम्मू-कश्मीर आतंकवाद थवां पूरी चाल्ली मुक्त होई जाग। राज्यसभा च कल मगरा चलाए गेदे भारत दे सफल ते निर्णायक आपरेशन सिंदूर बारें चर्चा दा परता दिंदे होई शाह होरें आखेआ जे आतंकवादिएं उंदे समर्थकें ते समूलचे आतंकवादी ढांचे खिलाफ सख्त कार्रवाई कीती जाग। उनें आखेआ।

गृह मंत्री होरें आपरेशन महादेव दी सफलता च सशस्त्र बलें ते सुरक्षा एजेंसिएं आसेआ निभाई गेदी भूमिका दी बी सराहना कीती। इस अभियान दरान पहलगाम आतंकवादी हमले च शामिल त्रै आतंकवादी मारे गए हे।

<><><><><><>

CM-Gujrat Visit

मुख्यमंत्री उमर अब्दुल्ला होर 2 दिनें दे महत्वपूर्ण दौरें पर कल गुजरात पुज्जे जेदा मकसद गुजरात दे लोकें अंदर जम्मू-कश्मीर दे सुरक्षा हालात बारें यकीन पैदा करना ते मते-मते सैलानिएं गी केंद्र शासित प्रदेश दे दोरे पर औने लेई प्रेरित करना ऐ। पहलगाम आतंकी हमले दे बाद जम्मू-कश्मीर, टकोहदा करियै कश्मीर घाटी च सुरक्षा गी लेइयै पैदा होई दी बेबसाही गी दूर करने दे लक्ष्य कन्ने

एह दौरा कीता जा'रदा ऐ तां जे लोकें अंदर इत्थूं दी सुरक्षा गी लेइयै भरोसा पैदा कीता जाई सकै। दौरै दरान उमर अब्दुल्ला मेद ऐ जे "स्टैचू ऑफ युनिटी" बी जाडन ते गांधी नगर च गुजरात दे बड्डे टूर आपरेटरें कन्नै बी बैठक करडन। कल अपने दौरै दे पैहले ध्याड़े उमर अब्दुल्ला गुजरात दे मुखमंत्रि भूपेंद्र पटेल हुंदे नै मिले ते जम्मू-कश्मीर ते गुजरात बश्कार सैलसफा सरबंध निगगर बनाने बारै गल्लबात कीती। मगरा मीडिया कन्नै गल्ल करदे होई उमर अब्दुल्ला होरें आखेआ।

<><><><><><>

Satish-STI

साइंस ते टेकनालजी मंत्री सतीष शर्मा होरें जम्मू-कश्मीर दे राई-बाई क्षेत्र गी विज्ञान ते प्रौद्योगिकी दे मते शा मते इस्तेमाल राएं बेहतर बनाने दे सरकार दे धेइयै गी फी पक्का कीता ऐ। मंत्री होर कश्मीर च विज्ञान टेकनालजी ते नवाचार बवस्थाएं गी मजबूत बनाने लेई PI-RAHI उत्तरी क्षेत्र ते विज्ञान प्रौद्योगिकी कलस्टर आसेआ जम्मू-कश्मीर विज्ञान ते प्रौद्योगिकी परिषद ते शेर-ए-कश्मीर एग्रीकल्चर युनिवर्सिटी कश्मीर दे सहयोग कन्नै आयोजित हितधारकें दी इक उच्ची सतह दी बैठका च बोला'रदे हे। इस दरान उनें स्कास्ट कश्मीर दे युवा उद्यमिणं आसेआ शुरू कीते गेदे 4 नमे स्टार्ट अप्स दी बी औपचारिक तौरा पर शुरूआत कीती जेड़ा युवाएं दी अगुवाई च राई-बाई क्षेत्र च उद्यमता गी बढ़ावा देने दे सरकार दे धेइयै दा प्रतीक ऐ। इस मौके मंत्री होरें आखेआ।

<><><><><><>

Amarnath-Yatra Suspended

खराब मौसम दे चलदे श्री अमरनाथ जी दी जातरा लेई जम्मू दे भगवती नगर आहले आधार शिविर थवां अज्ज नमा जत्था रवाना नेई कीता गेआ। प्रशासन नै जातरा गी एहतियात दे तौरा पर फिलहाल रोकने दा फैसला लैता ऐ तां जे श्रद्धालुएं दी सुरक्षा यकीनी बनी सकै। तोआई, बालटाल ते पहलगाम आहले दौनें रस्तेयां जातरा कल बंद रक्खी गई ही। कश्मीर दे डिविजनल प्रशासन नै जानकारी दिती ऐ जे खराब मौसम करी श्रद्धालुएं गी जातरा दी इजाजत नेई दिती गई। अजे तगर 3 लक्ख 93 जहार थवां मते श्रद्धालुएं पवितर गुफा च मत्था टेकी लैते दा ऐ।

<><><><><><>

ते हुन बाकि दिणं खबरें कन्नै जगमोहन शर्मा।

CS-Gati Shakti

मुख सचिव अटल डुल्लू होरें मुतल्लका प्रशासनिक सचिवें दी बैठक लाइयै पी.एम गति शक्ति पोर्टल गी बढ़ावा देने ते जम्मू-कश्मीर च पूरे पराते ढांचागत योजना ते विकास लेई समर्थ ते संभावनाएं गी तलाशने पर जोर पाया। बैठक दरान मुख सचिव होरें पी.एम.जी.एस पोर्टल दा इस्तेमाल व्यापक प्रोजेक्ट रिपोर्ट तैयार करने, खास करी ढांचागत सरबंधी परियोजनाएं जियां शिड़क ते राबता बगैरा लेई कम्म करने पर जोर पाया। उनें मुतल्लका मैहकमें गी हिदायत कीती जे ओह योजना प्रक्रिया गी पी.एम.जी.एस खाके कन्नै जोड़ने ते आंकड़े आधारित खिते दे बाददे विकास लेई कम्म करन।

<><><><><><>

Tawi-Aarti

इस बारे दी श्री अमरनाथ जी दी जातरा दे सरबंधे च दरेआ, तवि ते सूर्यपुत्री देवी घाट पर श्रद्धालुएं लेई हर संझा होने आहली तवि आरती दा सिलसिला कल सम्पन्न होई गेआ। श्री अमरनाथ जी दी जातरा शुरू होने कन्ने हर संझा इस आरती दा आयोजन खास तौर पर श्रद्धालुएं लेई कीता जा'रदा हा। कल आयोजित समापन समारोह च केई सारे लोकें हिस्सा लैता ते इस दिव्य ते शक्तिमय माहौल दे साक्षी बने। जम्मू दे डिविजनल कमिशनर रमेश कुमार ते J.M.C. कमिशनर देवांश यादव होरें इस समारोह च हिस्सा लैता। इस मौके पर बोलदे होई जम्मू दे डिविजनल कमिशनर होरें आखेआ।

<><><><><><>

MLA-Ramban NCSL

केंद्र शासित प्रदेश जम्मू-कश्मीर लेई एह इक माने आहली गल्ल ऐ जे रामबन असैम्बली हल्के थमां विधायक अर्जुन सिंह राजू होर 4 कोला 6 अगस्त 2025 तगर अमरीका दे बोस्टन शैहरै च लगगै करदी बक्ख-बक्ख प्रदेशें दे विधायकें दी महत्वकांक्षी कांफ्रेंस च जम्मू-कश्मीर दी नुमायंदगी करने जा'रदे न। अर्जुन सिंह राजू भारत दे 24 राज्यें ते 21 सियासी पार्टियें दे 130 एम.एल.एं ते एम.एल.सी-एं दे शिष्टमंडल दा हिस्सा न जेड़ा इस महत्वपूर्ण सम्मेलन च हिस्सा लैने लेई भारत थमां जा'करदा ऐ। इस बारे आकाशवाणी कन्ने गल्ल करदे होई विधायक अर्जुन सिंह राजू होरें आखेआ।

<><><><><><>

Weather

जम्मू खित्ते दे मते सारे हिस्सें च भारी थमां दरम्याने दर्जे दी बरखा होई ऐ जेदे चलदे हेठले इलाकें च पानी किट्ठा होआ ऐ। चानचक्क हाड़ ते पानी दे स्तर च बाददा होआ ऐ। मौसम विभाग नै अज्ज जम्मू खित्ते दी मती सारी थाहरें पर दरम्याने दर्जे थवां बड़ी भारी बरखा पौने दी चेतावनी जारी कीती ऐ। लोकें गी सौहगा ते सतर्क राँहने दी सलाह दिती गई ऐ। मौसम बारे जोर जानकारी दिंदे होई विभाग दे निदेशक मुख्तार होरें आखेआ।

<><><><><><>

Read by: Jagmohan Sharma and Shruti Khajuria

D.E.O : Varinder Kumar

Editor : Kunal Shrivatsa